



LE GOUVERNEMENT
DU GRAND-DUCHÉ DE LUXEMBOURG
Ministère de la Mobilité
et des Travaux publics

**Äntwert vum Minister fir Mobilitéit an ëffentlech Aarbechten op d'parlamentaresch Fro
n° 7161 vum 11. November 2022 vum Här Deputéierten Marc Goergen.**

Den honoréierten Deputéierte Marc Goergen freet Informatiounen iwwert d'Autoe vun der Regierung.

1. *Wéi vill Autoe befannen sech aktuell am Fuerpark vun der Regierung a wéi eng Autosmarke si vertraueden?*

De Service de la Protection du Gouvernement huet 17 Autoen am Fuerpark, déi speziell de Regierungsmemberen attribuéiert sinn.

Dës Autoen ginn awer praktesch exclusiv vun den Officiers de Sécurité vun deem Service gebraucht fir d'Regierungsmemberen all Dag op hir Rendez-vousen ze bréngen, am Land oder am noen Ausland wéi Bréissel notamment.

Dës Autoen sinn och speziell equipéiert fir engem gewëssenen Sécherheitsstandard ze entsprechen deen engem Regierungsmember gerecht gëtt. Heizou gehéiert zum Beispill och eng blo Luucht wou den Gebrauch am Code de la Route geregelt ass.

Den Arrêté grand-ducal du 14 mars 2022 fixant les règles déontologiques des membres du Gouvernement » regléiert de genauen Ëmgang mat enger « Voiture de fonction » vun engem Regierungsmember :

Art. 23. « (1) Les voitures mises à disposition des membres du Gouvernement sont des voitures de fonction qui sont utilisées pour les déplacements dans le cadre de leurs fonctions et qui doivent garantir leur mobilité en toutes circonstances. Sont considérés comme déplacements dans le cadre des fonctions d'un membre du Gouvernement tant les déplacements liés aux affaires de son département ministériel que ceux effectués en sa qualité de membre du Gouvernement. Les voitures de fonction peuvent également être utilisées pour des déplacements à caractère privé, tant au Luxembourg qu'à l'étranger.

(2) Lorsque les voitures de fonction sont utilisées à des fins privées à l'étranger, les frais directs encourus lors du déplacement sont supportés par les membres du Gouvernement.

(3) Les voitures de fonction sont conduites soit par les membres du Gouvernement, soit par un membre de la Police grand-ducale affecté au Service de protection du Gouvernement. Elles ne peuvent être conduites par un tiers qu'à condition qu'un membre du Gouvernement se trouve également à bord du véhicule ou en cas de force majeure. »

Vun den aktuell 17 Autoe am Fuerpark, sinn der 2 vun Audi, 8 vu BMW, 6 vu Mercedes-Benz an 1 vu Tesla.

2. *Wéini goufen déi Autoe jee weils kaaft, zu wat fir engem Präis an enthält de Fierpark nach ëmmer Autoe mat Verbrennungsmotor?*

D'Autoen aus dem Fierpark vun der Regierung sinn tëscht 2015 a 2022 kaaft ginn, laut der Enveloppe budgétaire betreffend der Acquisitioun vun den Autoe vun de Regierungsmemberen.

Et befannen sech aktuell nach 2 Bensinner an 1 Hybrid-Bensinner am Fierpark déi virun 2020 kaaft gi sinn.

3. *Fir d'Joer 2022,*

1. *wéi vill Emissiounen CO₂ stéisst de Fierpark vun de Regierungsmemberen aus? (opgeléist no*

- der NEFZ– an der WLTP–Ausstoussnorm)*

2. *wéi vill Liter/100km verbraucht de Fierpark (Duerchschnëtt+Median)?*

3. *wéi vill PS huet de Fierpark vun der Regierung (Duerchschnëtt+Median)?*

Wéi an der Äntwert op parlamentaresch Fro n°3746 vum 2. Mäerz 2021 erkläert, louch 2018 d'Moyenne vum CO₂-Ausstouss vum Fierpark vun de Regierungsmembere bei 119,35g CO₂/km, 2019 louch se bei 106,37g CO₂/km a fir d'Joer 2020 louch se bei 91,88g CO₂/km nom alen Testzyklus NEDC berechent.

Fir d'Joer 2022 läit d'Moyenne vum CO₂-Ausstouss vum Fierpark vun de Regierungsmemberen aktuell bei 65,06g CO₂/km nom alen Testzyklus NEDC berechent.

Fir déi 13 Gefierer fir déi eng WLTP-Valeur virläit, ass d'Moyenne 47,69g CO₂/km.

Den Duerchschnittsverbrauch leit 2022 bei 2,84 Liter/100km, de Median bei 2,30 Liter/100km.

Wat d'Leeschtung ugeet, sou leit dës bei 215 kW, also ronn 292 PS am Duerchschnitt a bei 210 kW, also ronn 285 PS am Median.

4. *Wéi vill Plug-in Hybriden enthält de Fierpark vun de Ministeren aktuell?*

Et befannen sech aktuell 10 Plug-in Hybriden am Fierpark.

5. *Wéi vill reng elektresch gedriwwen Autoen, ënnerdeelt tëscht manner wéi 18 kW a méi wéi 18kW, enthält de Fierpark vun de Ministeren aktuell?*

Et befannen sech aktuell véier 100 % Elektroautoen am Fierpark vun der Regierung, wouvun der 3 manner wéi 18 kWh/100km verbrauchen an 1 méi. Wéi an der Äntwert op d'parlamentaresch Fro n°3746 geschriwwen, huet sech d'Regierung d'Zil gesat fir dass dee gesamte Fierpark vun de Regierungsmembere mëttelfristeg null lokal CO₂ Emissiounen verursaacht.

6. *Wéi dacks goufe reng elektresch gedriwwen Autoe vu Membere vun der Regierung an de Joeren 2021 an 2022 fir Deplacementer benotzt?*

Wann en 100 % Elektroauto engem Member vun der Regierung attribuéiert gëtt, dann gëtt en och andauernd fir déi respektiv Deplacementer benotzt. 2021 war dat 1 100 % Elektroauto a 2022 4 100 % Elektroautoe.

7. *Wéi héich ass den Budget pro Auto pro Minister a ginn et do Ënnerscheeder tëscht de verschiddene Regierungsmemberen?*

Fir d'Autoe vun de Regierungsmemberen ass eng Enveloppe vun 100.000 € TTC fir en 100 % Elektroauto a vu 95.000 € TTC fir e Plug-in Hybrid zréckbehale ginn. Fir de Premierminister, d'Vizepremierministeren an den Aussen- an Europaminister gëlle Seuilen vun 122.000 € TTC fir en 100 % Elektroauto, 117.000 € TTC fir e Plug-in Hybrid a 112.000 € TTC fir en thermeschen Auto.

Lëtzebuerg, den 13. Dezember 2022

De Minister fir Mobilitéit an öffentlech Aarbechten

(s.) François Bausch